

*Flumina.*

*Staffordia.*

*Situs.*

*Soli qualitas.*

*Opida.*

*Flumina.*

*Montes.*

*Silva.*

*Nottinghamia.*

*Situs.*

*Soli qualitas.*

*Urbes & Opida.*

*Flumina.*

*Leicestria.*

*Situs.*

Sunt etiam alia *S. Diacre, Workeſworth & Bakewell.* Atque hic Comitatus Paræcias 106 includit. Fluvii *Trenta, Dovus, & Derwentio.* Pars Occidentalis hujus Provinciæ quæ tora collibus eminet *Peake* dicitur, Plumbi admodum ferax. In his enim Montibus lapides plumbarii feraces, ut vocant Metallici, quotidie magna copia effodiuntur, quos in collibus Favonio obverſis, obſervatis temporibus cum Favonius flare cœperit, magna lignorum vi accenſa, excoquunt, & effoſſis canalibus quibus defluat, in maſſas conflant. Nec Plumbum ſotam, ſed etiam Stibium (vulgo Antimonium vocant) hic in propriis venis reperitur, quo in tingendis Ciliis Græcæ mulieres olim uſæ leguntur. Lapidēs etiam molares hic excinduntur, cotes etiam ad ferramenta exacuenda & nonnunquam fluor quidam candidus in fodinis reperitur, qui per omnia Chryſtallo eſt ſimillimus. Sed de his ſatis, ad Staffordiam tranſeo, *Staffordſhire*, quæ ab Ortiva plaga Warwicensibus & Derbiensibus, a Meridiana Vigornienſibus, ab Occidua Salopienſibus præcincta quali rhombi forma: ab Auftro in Septemtriones procurrit, medio latior, & extremis ſe anguſtantibus. Pars Septemtrionalis montana & minus læta, media Trenta flumine perfuſa lætior, ſilvis amicta, arvis & pratis variata: uti & Meridionalis, quæ etiam carbonēs foſſiles habet, & ferri venas. Totius hujus agri caput olim erat & nunc eſt *Stafford*, cui maximum tamen decus a *Stafford* caſtro adjuncto, quod Barones de *Stafford* ſibi in ſedem conſtruxerunt. Sunt hic etiam *Lichfieldia, Burtonia, Viceſter, Stone, Drayton, Baſſett, Tameworth, Vulfrunſhampton, Theotenhall, & Weadeſbirg.* Atque in hoc Comitatu Paræciæ 130 habentur. Flumina hanc regionem irrigant *Dovus, Hanſus, Chournet, Tayn, Blith, & Trenta.* Hic è duobus fontibus effluens, ſuo quaſi jure tertium ſibi locum inter Britannicæ flumina vendicat. Item *Sous, Tama, & Parkus.* Pars Septemtrionalis Montibus non magnis leviter intumeſcit, qui hinc exorſi, ut Apenninus Italiæ, per Angliam mediam perpetuum dorſum perpetuis jugis elatum ad Scotiam uſque, nomine ſæpe mutato agunt. In parte hujus agri media *Needwood* ſilva ſpatioſa, vivariſque repleta diffunditur, in qua circumvicina Nobilitas hilares venandi labores gnaviter aſidueque exercet. Comitatus *Nottinghamienſis*, Angliis *Nottinghamſhire*, ab Ortu Lincolnienſi confinis eſt, a Septemtrione Eboracenſi, ab Occaſu Derbi-enſi, a Meridie Leiceſtrenſi terminatur. Partem Meridionalem, & Orientalem *Trenta* flumen nobiliſſimum, influentesque rivuli fœcundant: Occiduam autem partem ſaltus de *Shirewood* longe ſe porrigens, totam occupat. Hanc, quod arenofa ſit, *The Sand*: illam quod argillacea, *The Clay*, vocant Incolæ, & in has duas partes, regionem ſuam diſtribuerunt. Vibs præcipua, quæ nomen Comitatu præbuit, *Nottingham*, loci ingenio amœna, hinc enim ad flumina ſpatioſa procumbunt prata, illinc faciles conſurgunt colles: omnibus etiam quæ ad vitam pertinent, copioſa. Hinc *Shirewood* lignum in ignis alimentum, illinc piſces *Trenta* large ſuppeditat. Ampli tudine denique, ſtructura, uno & altero eleganti templo, foro longe pulcherrimo, & munitiſſimo caſtro, eſt ſane ſpecioſa. Opida præterea hic ſunt *Suthwell, Newerke, Mansfeld, Blith, Scroby, & Workenſop.* Atque in hoc agro 168 Parochiales Eccleſiæ viſuntur. Flumina *Trenta, Linus, Sente, Idle.* Nottinghamiæ a Meridie confinis eſt Provincia *Leiceſtrenſis*, vulgo *Leiceſtershire*, ab Ortu Rutlandia & agro Lincolnienſi, a Septemtrione Nottinghamienſi, & Derbienſi, ab Occaſu Warwicensi, a Meridie Northantonienſi præcingitur.